

Caritas, Misinoak eta Esku Elkartuak erakundeei

Eleizbarrutiak gizarte-karidade arloko jardueretan darabil aurrekontuaren zatirik handiena

- 2107an, sarrerak 32.574.737,12 eurotakoak izan ziran.
 - Caritas, Misinoak eta Esku Elkartuak erakundeei zuzendu jaken %44a, 33.931.517,28 €.
 - Autofinantzaketa da helburuetako bat. Gaur egun, %87koa da.
- Azaroaren 18an ospatuko dan Behartsuen aldeko Munduko Eguna dala-eta, Eleizbarrutiak Bizkaira heltzen ari diran “derrigorrezko giza mugikortasunezko personengan” jarriko dau arreta. Ekainetik hona, 3.500 etorri dira. Ehuneko 90 inguruk euren egitasmoagaz jarraitzen dau, beste lurralde batzuetarantz joz.
 - Azaroaren 16 eta 17an Eleizbarrutiko Alkartasun Zeinua ospatuko da helburu honegaz: ‘Gritar por la Justicia- Garrasi egin-Gartsu ekin’.
- Lagungo Familia Biderapenerako Eleizbarrutiko Zentroak 25 urte bete ditu. Erakunde honetara heltzen diranen %70ak baino gehiagok ezegonkortasun ekonomikoa, behin-behinekotasuna, pobretasuna edo gizarte bazterketa jasaten dau.

Aurton **azaroaren 11n** ospatuko dan **Eleizbarrutiaren eguna** dala-ta, Bilboko gotzainak agerraldi publikoa eskaini dau Bizkaiko Eleizaren kontuen eta jardueren barri emoteko. Aurkezpena, **hogeta bosgarren urteurrena ospatzen diharduan Lagungo familia biderapenerako zentroan izan da**. On Mario Izeta gotzainak azaldu dauanez, iaz egin zan lez, aurton be Eleizak mezu beraren inguruan batuko ditu Eleizbarrutiaren egunerako, Eleizbarrutiko Alkartasun Zeinurako eta Behartsuen aldeko Munduko Egunerako antolatu diran askotariko jarduerak: ‘Grita por la Justicia – Garrasi egin, gartsu ekin’. Horren inguruan, aita santuak esandako hitzak gogoratu ditu: **ingurura begiratu behar dogu eta “behartsuen garrasia eta beharrianak entzun”**. Bere esanetan, **Bizkaian, Eleizak**, garrasi egiteaz gainera, **“bidegabekerien aurrean erantzunak eskaintzen jarraitu gura dau”**. Hori dala-eta, **“derrigorrezko giza mugikortasunezko personen zoritxarra”** aitatu dau. Hegoaldeko mugatik **Bizkaira datozen** personak dira, hain zuzen be, **“ekainetik hona 3.500”** inguru. Gehienek, **“ehuneko 90 inguruk euren egitasmoagaz jarraitzen dau, beste lurralde batzuetarantz joz”**, baina **batzuek hemen geratzea erabagitzen dabe** eta errealidade horren aurrean, adierazo dau, **“ezinbestekoa da familia honeentzako harrera beroa aldarrikatzea eta eskatzea, osoko gizarteratzerako bitartekoak sendotuz”**.

Bizkaiko Eleizak aktibatu dau hainbat erantzun, “nahiz eta sekula nahikoak ez izan”, esan dau gotzainak. Eta Caritasek **Bilbon eta Barakaldon** kudeatzen dituan **jantoki sozialen** inguruko datuak

emon ditu. Esate baterako, joan dan kursoan, **“1.353 laguni, aurreko urtean baino %12 gehiagori”** eskaini jakon arreta leku horreetan. Aurtengo datuei dagokienez, orain arte Caritasek jente gehiagori eskaini deutso arreta, **“%41 gehiagori”**. Etorकिन etorrera dala-eta, **uztailean hirugarren txanda** jarri zan Indautxuko Apostolikoen jantokian eta **“bat-batean hasi ziran lanean 100 boluntariorik gora”**, zerbitzua sendotzeko. Beste alde batetik, Eleizbarrutiak lokal bat itzi dau Berrizen, “ahulezia nabarmenean, gure lurraldetik igaroten diran etorkinei harrera egiteko”. Beharizanak dabezan **300 laguni** akonpainamentua eskaintzeko **Caritasek kudeatzen dituan 93 etxebizitzan herena Eleizbarrutiak itzitakoa da.**

2017ko datu ekonomikoak

On Mario Izetak **Eleizbarrutiko 314 erakundeek bultzatzen dabezan pastoral jardueretako** batzuk aitatu ditu. Horreetako gehienak garatzeko Bilboko Eleizbarrutiak jasoten dauan diru gehiena, **“%69a, berariazko sarreretatik, eleiztarren ekarpenetik eta dohaintzetatik dator”**. Gotzainak “baliabideen kudeaketa eraginkorra egiteak” dauan garrantzia azpimarratu dau. Honen haritik, **helburu nagusienetakoa** aitatu dau, **autofinantzaketa**, “une honetan, **%87koa”** dana. 2017an, Eleizbarrutiak **32.574.737,12 eurotako diru-sarrera** izan eban, hau da, **aurreko urtean baino 1,3 milioi gitxiago**. Beherakada hori, **“eleiztarren ekarpenetan eta dohaintzetan”** gertatu zan, nahiz eta **parrokietan zuzenean jasotako ekarpenek gora egin %2,56an**, aurreko urteagaz alderatuz. Eleizbarrutiko kutxan diru gitxiago sartu bada be, **diru gehiena gizarte-karidade jardueretan** erabilten da: **“%44a**, Caritas, Misinoak eta Esku Elkartuak erakundeetara zuzendu da”.

Lagungoren 25. urteurrena

Lagungo familia biderapenearako zentroak 25 urte bete ditu. **Jon Elordui** zuzendariak Fundazioaren eta urte honeetan zentroaren zerbitzuak jasotera hurreratu diran 8.000 lagunengain inguruko hainbat datu eskaini dau. “Gaur egun, erabiltzaileen %70etii gora dira ezegonkortasun ekonomikoa, behin-behinekotasuna edo gizarte bazterketa jasaten dabenak”. Zentroak, hasieratik, “zerbitzu gizatiar eta kualifikatua” eskaintzen dau, erakunde publiko eta pribatuakaz lankidetzan. Arreta eskaini jaken personengain ezaugarriengain dagokienez, kopuru esanguratsua da “haurtzaroan abusuak jasan dabezan personena. **“Ehuneko %99ak abusuak jasan ebezan senitartekoen edo hurkoen aldetik”**. Arreta eskaini jaken familia bizitzan, nerabeakaz arazoak dabezan familieigain, doluak egin dira senide edo lagun maiteren bat galdu dabenakaz, banantzeak jasan dabezanakaz, e.a.

Eleizbarrutiko Alkartasun Zeinua

Mavi Laiseka Bilboko Eleizbarrutiko Caritaseko koordinatzaile nagusiak jardun dau azkenean, Caritas azaltzen dan pobretasunezko eremuak ezagutzera emonez. Gainera, Eleizbarrutian Behartsuen aldeko Munduko Egunerako antolatua diran jardueren barri emon dau. **Azaroaren 16an**, ikastetxeetako ehunka gaztek **garrasi egingo dabe** Doña Casilda parkean. **“Zeinu honen bitartez, gazteak be konprometitzen dirala eta gure inguruko bidegabekeriengain aurka garrasi egiten dabela agertzera emon gura da”**.

Azaroaren 17an, bazkari-topaketa eta tailerrak egingo dira **Begoñazpi eleizbarrutiko ikastolan**. Gure inguruko gizon eta emakume txirotuakaz jarriko dira mahaiaren inguruan. Biharamunean, Bizkaiko hainbat parrokietan egingo dira ahulengain aldeko konpromisozko jardueran, Behartsuen aldeko Munduko II. Egungain haritik.